

摘藻堂四庫全書薈要

史部

欽定四庫全書薈要

史部

金史卷三十九至
四十一

詳校官原任侍講臣王燕緒



欽定四庫全書蒼要卷六千二百八十一

金史卷三十九

元中書右丞相總裁托克托等修

二十

樂上

雅樂

本朝樂曲

散樂
郊祀樂歌

鼓吹樂

傳曰王者功成作樂治定制禮豈二帝三王之彌文哉
蓋有天下者將一軌度正民俗合人神和上下舍禮樂
何以焉金初得宋始有金石之樂然而未盡其美也及



乎大定明昌之際日修月葺燦然大備其隸太常者即郊廟祀享大宴大朝會宮縣二舞是也隸教坊者則有鐃歌鼓吹天子行幸鹵簿導引之樂也有散樂有渤海樂有本國舊音世宗嘗寫其意度為雅曲史錄其一其俚者弗載云

雅樂凡大祀中祀天子受冊寶御樓肆赦受外國使賀則用之初太宗取汴得宋之儀章鐘磬樂簋挈之以歸皇統元年熙宗加尊號始就用宋樂有司以鐘磬刻晟

字者犯太宗諱皆以黃紙封之大定十四年太常始議
歷代之樂各自為名今郊廟社稷所用宋樂器犯廟諱
宜皆刮去更為製名於是命禮部學士院太常寺撰名
乃取大樂與天地同和之義名之曰大和文武二舞皇
統年間定文舞曰仁豐道洽之舞武舞曰功成治定之
舞貞元儀又改文舞曰保大定功之舞武舞曰萬國來
同之舞大定十一年又有四海會同之舞於是一代之
制始備明昌五年詔用唐宋故事置所講議禮樂有司

謂雅樂自周漢以來止存大法魏晉而後更造律度訖
無定論至後周保定中得古玉斗於地中以造尺律其
後牛弘以為不可止用蘇綽鐵尺至隋亦用之唐興因
隋樂不改及黃巢之亂樂縣散失太常博士殷盈孫以
周法鑄鑄鐘編鐘處士蕭承訓等校石磬合而奏之至
周顯德以忝定律議者謂比唐樂高五律宋初亦用王
朴所制樂時和峴以周顯德律音近哀思乃依西京銅
望臬石尺重造十二管取聲下王朴一律景祐初李照

取黍累尺成律以其聲猶高更用太府布帛尺遂下太
常樂三律皇祐中阮逸胡瑗改造上下一律或謂其聲
奔鬱不和依舊用王朴樂元豐間楊傑參用李照鐘磬
加四清聲下王朴樂二律以為新樂元祐間范鎮又造
新律下李照樂一律而未用至崇寧間魏漢津以范鎮
知舊樂之高無法以下之乃以時君指節為尺其所造
鐘磬即今所用樂是也然以王朴所制聲高屢命改作
李照以太府尺制律人習舊聽疑于太重其後范鎮等

論樂復用李照所用太府尺即周隋所用鐵尺牛弘等
以為近古合宜者也今取見有樂以唐初開元錢校其
分寸亦同則漢津所用指尺殆與周隋唐所用之尺同
矣漢津用李照范鎮之說而耻同之故用時君指節為
尺使衆人不敢輕議其尺雖為詭說其制乃與古同而
清濁高下皆適中非出於法數之外私意妄為者也蓋
今之鐘磬雖崇寧之所製亦周隋唐之樂也閱今所用
樂津聲調和平無太高太下之失可以久用唯辰鐘辰

磬自昔數缺宜補鑄辰鐘十五辰磬二十一通舊各為二十四簋上曰嘗觀宋人論樂以為律主于人聲不當泥於其器要之在聲和而已於是命禮部符下南京取宋舊工更鑄辰鐘十有二又以舊鐘姑洗夷則皆高五律無射高二律別鑄以補之乃協又琢辰磬各十有二以其半少劣擇其諧者而用之初正隆間海陵營太廟于汴貞祐南遷宣宗修之以祔諸帝神主其地故宋景靈宮之趾也掘其下得編鐘十三編磬八皆刻大晟字

時朝廷多故禮器散亡竟亦不能備也大定十一年太常議按唐會要舊制南北郊宮縣用二十架周漢魏晉宋齊六朝及唐開元宋開寶禮其數皆同宋會要用三十六架五禮新儀用四十八架其數多似乎太多今擬太常因革禮天子宫縣之樂三十六簾宗廟與殿庭同郊丘則二十簾宜用宮縣二十架登歌編鐘編磬各一簾又按周禮太司樂凡樂園鐘為宮黃鐘為角太簇為徵姑洗為羽雷鼓雷鼗孤竹之管雲和之瑟雲門之舞

冬至日至地上之圜丘奏之若樂六變則天神皆降可得而禮矣六變謂六成也唐宋因之蓋圜鐘夾鐘也用為宮者以上應房心有天帝明堂之象也宮聲三奏角徵羽各一奏合陽之奇數欲神聽之也凡樂起于陽至少陰而止圜鐘自卯至申其數有六故六變而樂止則天神皆降可得而禮也樂曲之名唐以和宋以安本朝定樂曲以寧為名今止有太廟祫享樂曲而郊祀樂曲未備皇統九年拜天川乾寧之曲今圜丘降神固可就

用今太廟祫享皇帝升降行止奏昌寧之曲迎俎奏豐
寧之曲酌獻舞出入奏肅寧之曲飲福奏福寧之曲宋
開寶禮亦可就用餘有郊祀曲名皇帝入中壝奠玉幣
迎俎酌獻舞出入樂曲宜皆以寧字製名遂命學士院
撰焉皇帝入中壝奏昌寧之曲降神送神奏乾寧之曲
昊天上帝奏洪寧之曲皇地祇奏坤寧之曲配位奏永
寧之曲飲福奏福寧之曲升降望燎出入大小次並與
入中壝同餘載儀注及樂章又命太常議文武二舞所

當先後太常議按唐宋郊廟之禮並先文後武本朝自行禘祫之禮亦然惟唐韋萬石建議謂先儒相傳以揖讓得天下則先奏文以征伐得天下則先奏武當時雖從尋復改之其以開元禮先文後武為定方丘如圜丘之儀社稷則用登歌

宗廟皇帝入門宮縣以無射宮升殿登歌以夾鐘皆奏昌寧之曲迎神送神奏來寧之曲九成天德二年晨裸畢還小次方奏迎神曲大定十一年朝享奏依開元開

寶禮至版位即奏黃鐘宮三大呂角二太簇徵二應鐘
羽二曲詞皆同進俎奏豐寧之曲酌獻宮縣奏無射大
元之曲諸室之曲德帝曰大熙安帝曰大安獻帝曰大
昭昭祖曰大成景祖曰大昌世祖曰大武肅宗曰大明
穆宗曰大章康宗曰大康太祖曰大定太宗曰大惠熙
宗曰大同睿宗曰大和昭德皇后廟曰儀坤世宗曰大
鈞顯宗曰大寧章宗曰大隆宣宗曰大慶皇帝還版位
及亞終獻皆奏無射宮肅寧之曲飲福登歌奏夾鐘宮

福寧之曲徹豆奏豐寧之曲皆用無射宮大定十二年

制袷禘時享有司攝事初獻盥洗奏無射宮肅寧之曲

升階登歌奏夾鐘宮嘉寧之曲餘並與親享同其別廟

聖德皇后宣孝太子所用並載儀注樂章舊制太廟皇

考廟樂工各三十九人大定二十九年升祔顯宗有司

以為宋之太廟別廟堂上樂各四十八人今之樂工少

十八人擬令皇考廟舊樂工皆充兩廟堂上樂以應前

代九十六人之數尚書省議古樂工無定數遂奏太廟

別廟通以百人為定明昌六年初設宮縣樂工一百五十六人承安三年勅祭廟用教坊奏古樂非禮也其自今召百姓材美者給以食直教閱以待用泰和元年命宮縣樂工月給錢粟二貫石遇正樂工闕驗色收補四年尚書省奏宮縣樂工總用二百五十六人而舊所設止百人時或用之即以貼部教坊閱習自明昌間以渤海教坊兼習而又創設九十二人且宮縣之樂須行大禮乃始用之若其數復闕但前期遣漢人教坊及大興

府樂人習之亦可備用遂詔罷創設者宣宗南遷祔諸
帝主於汴京太廟禮官言祔享禮畢車駕還宮至承天
門外百官奉迎宮縣奏采茨以樂簾未備遂止用教坊
樂哀宗遷蔡天興二年七月丁巳太祖太宗及后妃御
容至自汴京奉安於乾元寺左宣徽使溫都七十五奏
當用樂上曰樂須太常柰何七十五曰市有優樂可假
用之權左右司員外郎王鶚奏曰世俗之樂豈可施于
帝王之前遂止

樂舞名數太廟登歌鐘一簋磬一簋歌工四篇二塤二箎二笛二篪笙二和笙二簫二七星匏一九耀匏一閏餘匏一搏拊二机一敔一麾一一弦琴三弦琴五弦琴七弦琴九弦琴各二瑟四別廟登歌並同親祠則用金鐘玉磬攝祭則用編鐘編磬宮縣樂三十六簋編鐘十二簋編磬十二簋大鐘搏鐘特磬各四簋建鼓應鼓鞀鼓各四路鼓二路鼗二晉鼓一晉笙竽笙各十簫十篇十箎十笛十塤八一絃琴三三絃五絃七絃九絃琴各

六瑟十二祝一敔一麾一文舞所執籥翟各六十四武
舞所執朱干玉戚各六十四引舞所執旌二纛二牙杖
二單朶二單鐸二雙鐸二金鏡二金錡二金鉦二相鼓
二雅鼓二有司攝祭宮縣二十簋編鐘四編磬四辰鐘
十二建鼓四路鼓四路鼗二晉鼓一巢笙竽笙簫塤箎
笛各八一絃琴三三絃五絃七絃九絃琴各六瑟八祝
敔各一麾一登歌及二舞引舞所執與親祠同

皇帝受冊寶前期大樂令與協律郎設樂縣於殿廷又

設舉麾位二一於殿西階一於樂縣西北又設登歌樂架於殿上至日侍中奏外辦宮縣樂作皇帝乃出即坐樂止奉寶入門樂作置褥位上樂止初引時宮縣樂作至位立定樂止寶初行樂作至御前置訖樂止皇帝受寶訖樂作侍中奏稱賀樂止皇帝升殿登歌樂作復位樂止侍中奏禮畢宮縣樂作皇帝還幕次樂止

御樓宣赦前期大樂署設宮縣於樓下又設鼓一於宮縣之左至日金鷄初立大樂署擊鼓立訖鼓止侍中奏

外辦大樂令撞黃鐘之鐘右五鐘皆應昌寧之樂作皇帝乃出宣讀訖百官舞蹈禮畢大樂令撞蕤賓之鐘左五鐘皆應昌寧之樂作皇帝降座樂止凡皇帝出入升降及分班合班皆樂作坐立定乃止其冊命中宮皇太子太孫受外國使賀宴外國使皆用宮縣

散樂元日聖誕稱賀曲宴外國使則教坊奏之其樂器名曲不傳皇統二年宰臣奏自古並無伶人赴朝叅之例所有教坊人員只宜聽候宣喚不合同百寮赴起居

從之章宗明昌二年十一月甲寅禁伶人不得以歷代
帝王為戲及稱萬歲者以不應為事重法科泰和初有
司又奏太常工人數少即以渤海漢人教坊及大興府
樂人兼習以備用

鼓吹樂馬上樂也天子鼓吹橫吹各有前後部又各
分二節金初用遼故物其後雜用宋儀海陵遷燕及大
定十一年鹵簿皆分鼓吹為四節其他行幸惟用兩部
而已

前部一

鼓吹令二人

柶鼓十二

金鉦十二

大鼓百二十

長鳴百二十

鏡鼓一十二

歌二十四

拱辰管二十四

簫二十四

笳二十四

大橫吹一百二十

前部二

節鼓二

笛二十四

簫二十四

箏篋二十四

笳二十四

桃皮箏篋二十四

柁鼓十二

金鈺十二

小鼓百二十

中鳴百二十

羽葆鼓十二

歌二十四

拱辰管二十四

簫二十四

後部一

鼓吹丞二人

柶鼓三

金鈺三

羽葆鼓十二

歌二十四

拱辰管二十四

簫二十四

笳二十四

節鼓二

鐃鼓十二

歌十六

簫二十四

笳二十四

小橫吹百二十

後部二

笛二十四

簫二十四

箏第二十四

笙二十四

桃皮箏第二十四

本朝樂曲

世宗大定九年十一月庚申皇太子生日上宴于東宮
命奏新聲謂大臣曰朕製此曲名君臣樂今天下無事
與卿等共之不亦樂乎辭律不傳十三年四月乙亥上

御睿思殿命歌者歌女直詞顧謂皇太子曰朕思先朝所行之事未嘗暫忘故時聽此詞亦欲令汝輩知女直醇質之風至於文字語言或不通曉是忘本也二十五年四月幸上京宴宗室於皇武殿飲酒樂上諭之曰今日甚欲成醉此樂不易得也昔漢高祖過故鄉與父老歡飲擊筑而歌令諸兒和之彼起布衣尚且如是況我祖宗世有此土今天下一統朕巡幸至此何不樂飲于時宗室婦女起舞進酒畢羣臣故老起舞上曰吾來故

鄉數月矣今迴期已近未嘗有一人歌本曲者汝曹來
前吾為汝歌乃命宗室子叙坐殿下者皆上殿面聽上
歌曲道祖宗創業艱難及所以繼述之意上既自歌至
慨想祖宗音容如覩之語悲感不復能成聲歌畢泣下
數行右丞相元忠暨羣臣宗戚捧觴上壽皆稱萬歲於
是諸老人更歌本曲如私家相會暢然歡洽上復續調
歌曲留坐一更極歡而罷其辭曰

猗歟我祖聖矣武元誕膺明命功光于天拯溺救焚

深根固蒂克開我後傳福萬世無何海陵淫昏多罪
反易天道荼毒海內自昔肇基至于繼體積累之業
淪胥且墜望戴所歸不謀同意宗廟至重人心難拒
勉副樂推肆予嗣緒二十四年兢業萬幾億兆庶姓
懷保安綏國家閒暇廓然無事乃眷上都興帝之第
屬茲來游惻然予思風物減耗殆非昔時于鄉于里
皆非初始雖非初始朕自樂此雖非昔時朕無異視
瞻戀慨想祖宗舊宇屬屬音容宛然如睹童嬉孺慕

歷歷其處壯歲經行恍然如故舊年從游依稀如昨
歡誠契濶日暮之若于嗟濶別兮云胡不樂

郊祀樂歌

皇帝入中壝宮縣黃鐘宮昌寧之曲

凡步
武同

袞服穆穆臨于中壝瞻言圜壇皇皇后帝禋祀肇稱
馨香維德爰暨百神於昭受職

降神宮縣乾寧之曲仁豐道洽之舞圜鐘為宮黃鐘為
角太簇為徵姑洗為羽圜鐘三奏黃鐘太簇姑洗皆一

奏詞並同

我金之興皇天錫羨惟神之休爰茲郊見有玉其禮
有牲其薦將受厥明來寧來燕

皇帝盥洗宮縣黃鐘宮昌寧之曲

因天事天惇宗將禮爰飭攸司奉時疊洗挹彼注茲
迺升壇陞先事而虔神勞豈弟

皇帝升壇登歌太呂宮昌寧之曲

相在國南崇崇其趾烝哉皇王維時蒞止至誠通神

克禋克祀於萬斯年昊天其子

昊天上帝奠玉幣登歌太呂宮洪寧之曲

穆穆君王有嚴有翼珮環鏘然園壇是陟嘉德升聞
馨非黍稷高明降監百神受職

皇地祇坤寧之曲

肅敬明祇躬行奠贄其贄維何黃琮制幣從祀羣靈
咸秩厥位維皇能饗允集熙事

配位太祖皇帝永寧之曲

肇舉明禋皇天后土皇祖武元爰作神主功昭耆定
歌以大呂綏我思成有秩斯祐

司徒迎俎宮縣黃鐘宮豐寧之曲

穆穆皇皇天子躬祀羣臣相之罔不敬止俎豆畢陳
物其嘉矣馨香始升明神燕喜

昊天上帝酌獻登歌太呂宮嘉寧之曲

郊裡展敬昭事上靈太尊在席有配斯馨酌言獻之
靈其醉止福祿來宜以答明祀

皇地祇泰寧之曲

袞服穆穆臨被泰折於昭神宮埋幣瘞血爰稱匏爵
斟言薦潔方輿常安扶我帝業

配位太祖皇帝燕寧之曲

烝哉高后肇迪丕基功與天合配天以推薦時清旨
孔肅其儀來寧來燕福祿綏之

文舞退武舞進宮縣黃鐘宮咸寧之曲

奉祀郊丘雲門變舞進秉朱干停揮翟羽於昭睿文

復肖聖武無疆維烈天子受祜

亞終獻宮縣黃鐘宮咸寧之曲功成治定之舞

掃地南郊天神以竣於皇君在克禋克祀交於神明
玄酒陶器誠心靖純非貴食味

皇帝飲福登歌大呂宮福寧之曲

所以承天無過乎質天其祐之惟精惟一泰尊爰挹
馨香薦德惠我無疆子孫千億

徹豆登歌大呂宮豐寧之曲

大禮爰陳為豆孔碩肅肅其容於顯百辟皇靈降監
馨聞在德明禋斯成孚休罔極

送神宮縣園鐘宮乾寧之曲

赫赫上帝臨監禋祀居然來歆昭答祖配園壇四成
神安其位升歌贊送天人悅喜

方丘樂歌

迎神鎮寧之曲林鐘宮再奏太簇角再奏姑洗徵再奏
南呂羽再奏詞同

至哉坤儀萬彙資生稱物平施流謙變盈禮修泰折
祭極精誠皇皇靈睠永奠寰瀛

初獻盥洗太簇宮肅寧之曲

禮有五經無先祭禮即時伸虔惟時盥洗品物吉蠲
威儀濟濟錫之純嘏來歆愷悌

初獻升壇應鐘宮肅寧之曲

無疆之德至哉坤元沉潜剛克資生實蕃方丘之儀
惟敬無文神其來思時歆薦殷

初獻奠玉幣太簇宮億寧之曲

禮行方澤文物備舉惟皇地祇昭假來下奠瘞玉帛
純誠內著神保是享陟降斯祐

司徒捧俎太簇宮豐寧之曲

四階秩儀壇於方澤昭事皇祇即陰以塡潔肆於禘
孔嘉且碩神其福之如幾如式

正位酌獻太簇宮溥寧之曲

蕩蕩坤德物無不載柔順利貞含洪光大籩豆既陳

金石斯在四海永寧福祿攸介

配位酌獻

配太宗也

太簇宮保寧之曲詞闕

亞終獻升壇太簇宮咸寧之曲

卓彼嘉壇奠玉方澤百辟祇肅八音純繹祀事孔明
柔祇感格

徹豆應鐘宮豐寧之曲

修理方丘吉蠲是宜籩豆靜嘉登於有司芬芬馨香
來享來儀郊儀將終聲歌徹之

送神林鐘宮鎮寧之曲

因地方丘濟濟多儀樂成八變靈祗格思薦餘徹豆
神貺昭垂億萬斯年永祐丕基

詣望燎位太簇宮肅寧之曲詞同升壇

欽定四庫全書薈要卷六千二百八十二

金史卷四十

元中書右丞相總裁托克托等修

志二十一

樂下

宗廟樂歌
鼓吹導引曲

殿庭樂歌
采茨曲

禘祫親饗皇帝入門宮縣無射宮昌寧之曲

出入步
武同

惟時升平禮儀肇興鳴鑾至止穆穆造庭百辟卿士

恪謹迎承恭諫祖考神宇攸寧

皇帝升殿登歌夾鐘宮昌寧之曲

升階及將還版位皆同登歌

笙鏞既陳罍樽在戶升降有容惟規惟矩恭敬明神
上儀交舉永言保之承天之祐

皇帝盥洗宮縣無射宮昌寧之曲

惟水之功潔淨精微洗爵奠尊于德有輝皇皇穆穆
宗廟之威宜其感格福祉交歸

皇帝降階宮縣無射宮昌寧之曲

於皇神宮象天清明有來肅肅相維公卿禮儀卒度

君子攸寧孔時孔惠綏我思成

迎神宮縣來寧之曲黃鐘宮三奏大呂角二奏太簇徵
二奏應鐘羽二奏詞同

八音克諧百禮具舉明德維清至誠永慕神之格思
雲輶風馭來止來臨千祀燕處

司徒引俎宮縣無射宮豐寧之曲

維牲維犧齋明致祠我將我享吉蠲奉之博碩肥腍
神嗜為宜千秋歆此永綏黔黎

始祖酌獻宮縣無射宮大元之曲

惟酒既清惟殽既馨苾芬孝祀在廟之庭羞於皇祖
來燕來寧象功昭德先祖是聽

德皇帝大熙之曲

萬方欣戴鴻業創基瑤源垂裕綿瓞重熙式崇苾祀
爰考成規籩豆有楚益臻皇儀

安皇帝大安之曲

爰圖造邦載德其昌皇儀允穆誕集嘉祥明誠昭格

積厚流光祇嚴清廟鐘石琅琅

獻祖大昭之曲

惟聖興邦經始之初鳩民化俗還定攸居迪德純儉
志規遠圖時哉顯祀精誠有孚

昭祖大成之曲

天啓璇源貽慶定基率義為勇施德為威耀武拓境
功烈巍巍永昌皇祚均福黔黎

景祖大昌之曲

丕顯鴻烈基緒隆昌聖期誕集邦宇斯張尊嚴廟祐
昭著休祥煌煌縟典億載彌光

世祖大武之曲

桓桓伐功天監其明惟威震疊惟德綏寧神策無遺
鴻圖以興曾孫孝祀通昭厥成

肅宗大明之曲

於皇神人武烈文謨左右世祖懷柔掃除威震遐邇
化漸蟲魚垂光綿永成帝之享

穆宗大章之曲

烝哉文祖欽聖弘淵慈愛忠信典策昭然歆此明祀
繁祉綿綿時純熙矣流慶萬年

康宗大康之曲

惟明惟聽曄曄神功儀刑世業昭格上穹持盈孝孫
薦芳斯豐錫我祉福皇化益隆

太祖大定之曲

功超殷周德配唐虞天人協應平統寰區開祥垂裕

肇基永圖明明天子敬承典謨

太宗大惠之曲

巍巍德鴻無為端宸祚承神功究馴俗燾清宮緝熙
孝慈時祀欽奠著誠犧樽嘉旨

熙宗大同之曲

昭顯令德神基丕承對越在天享用躋升於穆清廟
來燕來寧神其醉止惟欽克誠

睿宗大和之曲

皇祖開基周武殷湯倚歟聖考嗣德彌光啟祐洪緒
長發其祥嚴恭廟享萬世蒸嘗

世宗大鈞之曲

神之來思甫登于堂裸圭有瓚秬鬯芬芳巍巍先功
啓祐無疆萬年肆祀孝心不忘

顯宗大寧之曲

於皇神宮有嚴惟清吉蠲孝祀惟神之寧對越在天
綏我思誠敷祐億年邦家之慶

章宗大隆之曲

兩紀踐祚萬方寧康文經天地武服遐荒禮備制定
德隆業昌居歆典祀億載無疆

宣宗大慶之曲

猗歟聖皇三代之英功光先后德被羣生牲粢惟馨
鼓鐘其鏗神兮來思歆于克誠

文舞退武舞進宮縣無射宮肅寧之曲

明明先聖神武維揚開基垂統萬世無疆于戚象功

威儀有光神保是饗昭哉降康

亞終獻無射宮肅寧之曲

涓辰之休昭祀惟恭威儀陟降惟禮是從籩豆靜嘉
於論鼓鐘惟皇受祉監斯德容

皇帝飲福登歌夾鐘宮福寧之曲

犧牲充潔粢盛馨香來格來享精神用彰飲此純禧
簡簡穰穰文明天子萬壽無疆

徹豆登歌夾鐘宮豐寧之曲

孝祀肅睦明德以薦樂奏九成禮終三獻百辟卿士
進徹以時小大稽首神保聿歸

送神宮縣黃鐘宮來寧之曲

潔茲牛羊清茲酒醴三獻攸終神既燕喜神之去兮
載錫繁祉萬壽無疆永保禋祀

郊祀前朝享太廟樂歌

皇帝入門宮縣無射宮昌寧之曲

郊將升禋廟當告虔錫鑾戾止孝寔奉先祀事斯舉

有序無愆祇見祖考神意懽然

皇帝升殿登歌夾鐘宮昌寧之曲

皇皇天子升自阼階莫見祖禰肅然有懷百禮已洽
八音克諧既昌且寧萬福沓來

迎神宮縣來寧之曲黃鐘三奏大呂角二奏太簇徵二
奏應鐘羽二奏詞同

以實應天報本反始潔粢豐盛禮先肆祀風馬雲車
神之弔矣來止來宜而燕翼子

皇帝盥洗宮縣無射宮昌寧之曲

有水于壘有巾于篚悅手拭爵圭衮有煒玄酒大羹
德馨維菲萬年昌寧皇皇負宸

皇帝升階宮縣無射宮昌寧之曲

降階同

魏魏京師有嚴神宮聖主戾止多士雲從來享來獻
肅肅其容將昭大報庸示推崇

司徒捧俎宮縣無射宮豐寧之曲

陳其犧牲惟純與精苾芬孝思於昭克誠不疾瘕蠹

或剝或烹洋洋在上以交神明

始祖酌獻宮縣大元之曲

猗歟初基兆我王迹其命維新詒謀丕赫繇繇瓜瓞
國步日闢堂構之成焜煌今昔

獻祖大昭之曲

以聖繼興成王之孚民從其化咸奠攸居清廟觀德
猗歟偉歟金石備樂以奉神娛

昭祖大成之曲

東夷不庭皇祖震怒神武削平詒厥聖緒猶室有基
垣墉乃樹億萬斯年天保孔固

景祖大昌之曲

於皇藝祖其智如神修法施令百度維新疆宇日廣
海隅咸賓功高德厚耀耀震震

世祖大武之曲

於皇先王昭假于天長駕遠馭麾斥無前王業猶生
孫謀有傳圓壇展禮敢先告虔

肅宗大明之曲

猗歟前人簡惠昭融相我世祖成茲伐功敷佑來葉
帝圖其隆將修熙事先款神宮

穆宗大章之曲

仁慈忠信惟祖之休功光岐下迹掩商丘言瞻清廟
懷想前修神其來格歆茲庶羞

康宗大康之曲

猗歟前王惠我無疆儀刑典法日靖四方永言孝思

於乎不忘昭告大祀祇率舊章

太祖大定之曲

天生聰明俾乂蒸人惟此二國為我毆民撻彼威武
萬邦咸賓明昭大報推而配神

太宗大惠之曲

維清緝熙於昭明德我其收之駿奔萬國南郊肇修
大典增飾清廟吉蠲純禧申錫

睿宗大和之曲

維時祖功肇開神基昭哉聖考其德增輝上動天監
明命攸歸謀貽翼子無疆之辭

文舞退武舞進宮縣肅寧之曲

先皇開基比迹殷湯功加天下武德彌光容舞象成
干戈咸揚於昭報本懷哉不忘

亞終獻宮縣肅寧之曲

於皇宗祊朝獻維時芬芬酒醴棣棣威儀誠則有餘
神之格思神孫千億神其相之

皇帝飲福登歌夾鐘福寧之曲

皇皇穆穆丕承丕基躬親于禋載肅載祇對越在天
神歆其誠于以飲酒如川之增

徹豆登歌夾鐘宮豐寧之曲

物維其時既豐且旨苾苾德馨或將或肆神之居歆
洽于百禮於萬斯年穰穰介祉

送神宮縣黃鐘宮來寧之曲

濟濟多儀皇皇雅奏獻終反爵薦餘徹豆神監昭回

有秩斯祐無疆之福申錫厥後

昭德皇后別廟郊祀前薦享登歌樂曲

初獻盥洗夷則宮肅寧之曲

神無常享時歆精誠惟誠惟潔感通神明先事盥滌
注茲清泠巾篚既奠尊彝薦馨

初獻升降殿仲呂宮嘉寧之曲

有來肅肅登降以敬粢粢衽服鏘鏘佩聲金石節奏
既協且平其儀不忒乃終有慶

司徒奉俎奏夷則宮豐寧之曲

馨我黍稷潔我牲牷降升有節薦是吉蠲工祝致告
威儀肅然神之弔矣元吉其旋

酌獻奏夷則宮儀坤之曲

覩天之妹坤德利貞圓丘有事先薦以誠我酒既旨
我殽既盈神其居饗福祿來成

徹豆奏仲呂宮豐寧之曲

明昭祀事舊典無違樂既云闋神其聿歸禮之克成

神保斯饗於萬斯年遐續丕貺

祫禘有司攝事

初獻盥洗宮縣無射宮肅寧之曲

祀事之大齊栗為先絜精以獻沃盥于前既灌以升
乃薦豆籩神其感格歆于吉蠲

升自西階登歌奏夾鐘宮嘉寧之曲

餘並同親祀

國有太宮合食以禮躋階肅肅降陞濟濟鏘然純音
節乃容止神之格思永綏福履

時享攝事登歌樂章

初獻盥洗無射宮肅寧之曲

酌彼行潦維挹其清潔齊以祀祀事昭明顯允辟公
沃盥乃升神之至止歆于克誠

初獻升殿夾鐘宮嘉寧之曲

餘同親祀惟不用宮縣

濟濟在庭祇薦有序雍容令儀旋規折矩爰徂于基
鳴佩接武敬恭神明來寧來處

昭德皇后時享登歌樂章

初獻盥洗無射宮肅寧之曲

時祀有章禮備樂舉爰潔其盥亦豐其俎俯仰升降
中規中矩神其來格百福是與

初獻升殿夾鐘宮嘉寧之曲

三獻及司徒降同

假哉神宮神宮有恤惟時吉蠲登升翼翼歌鐘鏘煌
笙磬翕繹於昭肅恭靈釐來格

司徒奉俎無射宮豐寧之曲

宮庭枚枚鐘磬煌煌既儀圭鬯既奠膋齊莊奉饋

籩豆大房靈之右饗流慶無疆

酌獻無射宮儀坤之曲

於皇坤德作合乾儀塗山懿範京室芳徽容聲如在
典祀惟時神其克享薦祉來宜

亞終獻無射宮儀坤之曲

嘉羞實俎高張在庭申獻合禮

終獻改
申為三

坤德儀刑神

其是聽用罔清明清明既罔來享來寧

徹豆夾鐘宮豐寧之曲

禮成於終神心禋禋膋蕭發馨樂闋獻已徒馭孔多
靈輿載輶青玄悠悠歸且億矣

宣孝太子別廟登歌樂章

初獻升殿夾鐘宮承安之曲

有膋斯牲有馨斯齊美哉洋洋升降以禮禮容既莊
樂亦諧止神之格思式歆明祀

酌獻無射宮和寧之曲

於惟光靈孝德昭宣高麗有奕來寧來燕於薦惟裕

既時既殞從我烈祖載享億年

亞終獻和寧之曲

金石和奏豆籩惟豐祠宮奉事齊敬精衷笙吟伊浦
鶴駐緱岑是保是饗靈德無窮

徹豆夾鐘宮和安之曲

寢成奕奕今茲其時明稱肇祀將禮之儀侯安以懌
羞嘉且時樂闋獻已神其饗思

大定三年十月追上睿宗冊寶應鐘宮顯寧之曲

天開休運積仁而昌命茲昭考敢忘顯揚上儀肇舉
涓日之良來格來享惠我無疆

大定十九年升祔熙宗冊寶樂曲

恢大帝業敕寧多方懿德茂烈金書發揚肇舉上儀
涓擇吉日鴻名赫赫與天無極

上冊寶宮縣靜寧之曲

日卜其吉承祀孔肅廣號追崇孝心克篤於乎悠哉
來思睟穆寶冊既承委於宗祝

皇帝降殿宮縣鴻寧之曲

繼世隆昌臨期靜默追諡鴻名發輝潛德玉質金章
煌煌簡冊涓辰展儀永傳無極

殿庭樂歌

大定七年正月上冊寶皇帝將升御座宮縣奏太簇宮

泰寧之曲

降座同

德隆帝位承天而興侯邦來庭民居安寧歸美以報
傳之無極鴻名徽稱壽時萬億

冊寶入門奏天保報上之曲

四方既平功歸聖明定功巍巍丕享鴻名股肱良哉
揄揚元首儲積優游南山等壽

奉冊寶官將復班位奏歸美揚功之曲

聖德高明萬邦咸休錙銖唐虞糠粃商周維時羣臣
對敷稽首天子明明令聞不朽

冊寶初行奏和寧之曲

冊寶將升殿皇太子自
侍立位至降階曲並同

四方攸同昭哉成功時和年豐諸福來崇英聲昭騰

和氣充塞於乎皇王維壽時億

皇太子升殿賀奏同心戴聖之曲

穆清皇風遐方來同於昭于天物和歲豐丕受鴻名

對揚偉積純釐穰穰敷錫罔極

上壽皇帝將升御座宮縣和寧之曲

同前

舉酒萬壽無疆之曲

四海太平吾皇之功羣臣對揚誕受鴻名霞觴瓊腴

君王樂豈皇天垂休萬壽無極

皇太子升階降階及與宮官升殿並奏和寧之曲

同前

進第一爵登歌奏王道明昌之曲

對天鴻休予以鋪張巍巍煌煌超冠百王皇圖皇綱
時維明昌祉福無彊于民敷揚

行羣官酒宮縣和寧之曲文舞入設羣官食奏功成治
定之舞三成止

聖德高明如天強明多方治平功大有成流于聲音
形于蹈舞頌觴羣臣以昭禮遇

進第二爵登歌奏天子萬年之曲

惟明后馭寰瀛躋升平飛英聲功三皇德五帝游巖廊億萬歲

行羣官酒宮縣和寧之曲武舞入設羣官食奏四海會同之舞三成止

地平天成時和歲豐迓衡弗迷率惟敎功受天之祐四方來荷於萬斯年不遐有佐

進第三爵登歌嘉禾之曲

景命赫斯歸吾皇仁風洋洋被遠荒琛賫旅庭趨明
光氣和薰蒸為嘉祥殊本合穗真異常庾如坻京歲
且穰猗歟鴻休超前王播為聲詩傳無疆

行羣官酒
設羣官食

羣官降階宮縣並奏和寧之曲皇帝
將降御座奏泰寧之曲並用太簇宮

大定十一年十一月行冊禮皇帝升御座宮縣奏寧之
曲

皇皇穆穆宸服王趾如日之升如山仰止九賓在列
媚茲天子願言無疆介以繁祉

冊寶入門奏天保報上之曲

穆穆元聖天迪子保相維臣工以奏丕號揚于路朝
玉牒神寶於萬斯年吾君壽考

奉冊寶官將復班位奏歸美揚功之曲

玉冊玉寶尊聖天子丕揚鴻名昭受帝祉闕休對天
其隆孰比臣下同心翼戴歸美

皇太子升殿賀奏同心戴聖之曲

大矣我后徽冊膺受歡趨彤庭拜手稽首休明御辰

無疆萬壽靈貺沓來天地長久

舉酒奏萬壽無疆之曲

聖德懋昭民歸天祐煌煌金書典冊光受備樂在庭
八音諧奏羣公奉觴天子萬壽

進第一爵登歌王道昌明之曲

明明我王道光化溥百度維新禮修樂舉藻飾太平
爛然可觀超躋三王暉映千古

設羣官食奏和寧之曲功成治定之舞

穆穆我君威折羣醜輝光日新仁洽九有容典威蕤
超前絕後端拱深嚴寶冊膺受

第二爵登歌奏天子萬年之曲

典禮修惟明后揚鴻名燦瓊玖羅華紳為萬壽歌南
山堅且久

行羣官酒奏和寧之曲四海會同之舞

道隆政平天開有德萬國和寧來王來極昭受鴻名
俯徇列辟錫飲行觴歡心各得

第三爵登歌奏嘉禾之曲

衆瑞畢至昭升平爰生嘉禾迺合穗撫撫大田無南
東稼茂如雲成豐歲既刈既穫百室盈擊壤歌沸野
老聲陶唐之民茲其比帝力何有若自遂

大定十八年十二月上受命寶皇帝將升御座宮縣奏
泰寧之曲並大呂宮

上帝有赫懷此明德畀之神寶庸鎮萬國臨軒是膺
登降維則羣臣拜首年卜萬億

寶入門奏天保報上之曲

受命大寶昭答眷祐珍符明貺人為天授文物具舉
韶濩迭奏羣臣上之天子萬壽

羣臣合班奏歸美揚功之曲

德冒生民明明元后端冕臨軒神寶是受羣工來賀
咸拜稽首無疆無期享祚長久

皇太子升殿并自侍立位降階宮縣稱觴介壽之曲

上儀昭舉膺時瑞玉羣辟在列蹌蹌肅肅衣衣桓圭

歸美稽首升降惟時天子萬壽

舉酒登歌奏萬壽無疆之曲

上帝眷命純休茲至誕膺洪寶光臨大器稱觴對揚
嵩嶽萬歲其寧惟永無疆卜世

天德二年十月冊立中宮皇帝將升御座宮縣奏乾寧
之曲

降座同

人道大倫王道所基明聖稽古陰教欲施臨軒發冊
備舉彝儀麟趾闕睢宜播聲詩

冊寶入門奏昌寧之曲

出門同

羽衛充庭淑旂徽章禮儀具舉涓辰以良相我內訓
來儀椒房億萬斯年邦家之光

將受冊寶以冊寶入門宮縣奏肅寧之曲

命婦升降同

塗山興夏闕雎美周坤儀之尊母臨九州瑤冊禕衣
光配凝旒地久天長福祿是道

后出閣奏順寧之曲

升降座同

天立厥配任姒比隆母儀四海化行六宮日月並明

乾坤合德於萬斯年作儷宸極

受冊奏坤寧之曲

風化之始由于壺闈禮文斯備爰正坤儀維順以慈
儷聖同德則百斯男垂統無極

天德四年二月冊皇太子皇帝將升御座宮縣奏乾寧
之曲皆用夾鐘宮

大君有為先圖本固涓辰之吉禮成儲副文物備陳
聲樂皆具人心載寧克昌福祚

冊使八門奏昌寧之曲

在天成象煥乎前星惟聖時憲典禮以行一人有慶
萬邦以貞社稷之福寢昌寢明

皇太子八門奏元寧之曲

出門向

皇矣上帝純佐明聖篤生元良日躋德性冊命主器
萬邦以正龍樓問寢億年之慶

大定八年正月冊皇太子皇帝將升御座官縣洪寧之

曲

並用太簇宮

會朝清明臨軒備禮天威皇皇臣工濟濟於昭元良
膺茲典冊對揚闕休卜年萬億

皇太子入門奏肅寧之曲

光昭前星惟天垂象稽古而行主器以長典禮告成
邇遐屬望國本既隆繁釐永享

羣臣合班奏嘉寧之曲

於皇臨軒禮崇上嗣維春之祺僚方正位言觀其儀
翔翔濟濟美歸吾君太平萬歲

皇太子復受冊位奏和寧之曲

祖功艱難經營締構基宇根深枝繁葉茂於昭貽謀
駢休集祐元良斯貞吾皇萬壽

大定二十七年三月冊皇太孫皇帝將升御座宮縣奏

寧之曲

並姑洗宮

上天叢休申錫祚膺孫謀有貽臨軒體正煌煌上儀
欣欣衆聽隆我邦本無疆惟慶

皇太孫入門奏慶寧之曲

出門同

寶源流光流光惟遠孫謀有貽慶序昭衍於樂衆望
於皇備典動容周旋承茲嘉美

羣臣合班奏順寧之曲

冕旒當宇徽章備舉綵仗充庭金石列簾濟濟多士
翼翼就序海潤山暉傾聽樂府

皇太孫復受冊位奏保寧之曲

禮之攸聞丕建世嫡衆論協從天心不易名崇震宮
辭著瑞冊社稷宗廟無疆夷懌

鼓吹導引曲

天眷三年九月駕幸燕京導引曲

無射宮

五年一狩仙仗到人間問稼穡艱難蒼生洗眼秋光
裏今日見天顏金戈玉斧臨香火馳道六龍閑歌謠
到處皆相似天子壽南山

天德二年三月裕享迴鑾導引曲

禮成廟享御衛拱飛龍諸道起祥風太平天子多受
福孝德與天通鳳簫龍管韶音奏聲在五雲中粲然

文物昭治世萬億禩無窮

貞元元年三月駕幸中都導引曲

並姑洗宮

鑾輿順動嘉氣滿神京輦路宿塵清鈞陳萬旅隨天
仗縹緲轉霓旌都人望幸傾堯日鼇抃溢歡聲臨觀
八極宸居正寰宇慶昇平

采茨曲

新都春色滿華蓋定全燕時運千齡協星辰五緯連
六龍承曉日丹鳳倚中天王氣盤山海皇居億萬年

貞元三年十一月祫享迴鑒采茨曲

並用

慶成迴大駕仙仗紫雲深龍袞輝千騎嵩呼間八音
太平興縟禮萬國得歡心孝格迎遐福穰穰永降臨

正隆六年六月駕幸南京導引曲

並林鐘宮

神宮壯麗宮殿麗蓬萊向曉九門開聖明天子初巡
幸遙駕六龍來五雲影裏排仙仗清蹕絕纖埃都人
齊唱昇平曲更進萬年盃

采茨曲

雙闕層雲表澄景開清曉六龍天上來馳道平如掃
虞巡五載合夏諺一遊同都人欣豫意寫入頌聲中
大定三年十月祫享迴鑒采茨導引曲

皆應鐘宮自後
親祀二曲並用

太宮崇烈考大禮慶初成綵仗迴雲步天階嚴蹕聲
舜宮合至孝周頌詠維清介福應穰簡歡交萬國情
導引曲

禮行清廟華黍薦年豐聖孝與天通六龍迴馭千官
衛玉振珮環風黃麾金輅嚴天仗霏霧鬱葱葱工歌

迭奏升平曲福祿自來崇

大定二十七年三月皇太孫受冊謝廟

導引曲

璿源濬發衍慶自靈長聖運日隆昌震闡顯冊遵彝
典基緒煥重光揀時廟見嚴昭報禮樂粲成章精誠
潛格神明助福祿永無疆

金史卷四十

欽定四庫全書薈要卷六千二百八十三

金史卷四十一

元中書右丞相總裁托克托等修

志二十二

儀衛上

常朝儀衛
行仗法駕

內外立仗
黃麾仗

常行儀衛

金制天子之儀衛一曰立仗二曰行仗其衛士曰護衛
曰親軍曰弩手曰控鶴曰傘子曰長行立仗則有殿庭
內仗殿庭外仗凡大禮大朝會則用之其朔望常朝弩

手百人分立兩階而已行仗則有法駕大駕黃麾仗凡
行幸及郊廟祀享則用之其非大禮遠出則有常行儀
衛宮中導從焉大抵模倣宋制錯綜增損而用之其宿
衛則見兵志云

初國制凡朔望常朝日殿下列衛士簾下置甲兵正隆
元年海陵去甲兵惟存錦衣弩手百人分立兩階其儀
都副點檢公服偏帶

常朝則展紫

左右衛將軍宿直將軍展

紫金束帶各執玉水晶及金飾骨朶左右親衛盤裏紫

襖塗金束帶骨朶佩兵械供御弩手傘子百人並金花
交脚幙頭塗金銅釵襯花束帶骨朶左右班執儀物內
侍二十人展紫塗金束帶朝參日弩手傘子直於殿門
外分兩面排立司辰報時畢皇帝御殿坐鳴鞭閣門報
班齊執擎儀物內侍分降殿階南向立點檢司起居弩
手傘子於殿門外北面山呼聲喏訖即於殿門外東西
相向排立都點檢以次三員升殿都點檢在東近南左
副又少南右副在西東向對立左右衛將軍在殿下東

西對立省臣隨班起居畢左右司侍郎從宰執奏事殿
中侍御史隨班起居畢東西對立於左右衛將軍之北
少前修起居注分殿陛東西對立於殿欄外副階下以
俟奏事畢皇帝還閣侍衛者乃退

凡遇大禮大朝會則有內外立仗熙宗皇統元年正月
上冊寶立仗一千一百八十人自是以後至海陵時俱
用三千人世宗大定七年上冊寶頗損其數且以天德
貞元不設車輅遂并去之是後或減至二千或一千或

八百或六百人天德二年海陵立后發冊勤政殿設黃
麾細仗用前六部攝官七十一擎執六百七十八人受
冊泰和殿用後六部攝官三十六擎執三百二十二人
大定八年正月冊皇太子于大安殿用黃麾半仗二千
二百六十五人奉表于仁政殿用黃麾細仗一千四百
二人二十七年冊皇太孫亦如之

大定八年黃麾半仗攝官一百七十五人擎執二千八
十一人編排職掌九人 殿廷內仗

以中心東西相向
一重并面北旗幟

為中
通

左行自北西向排列黃麾幡一首執者三人碧欄

官一大雉扇二碧欄官一中雉扇六碧欄官一小雉扇

六碧欄官一朱團扇六碧欄官一睥睨四碧欄官一紅

大傘一碧欄官一紫方傘二碧欄官一華蓋一右行東

向列者並同 面北第一行牙門旗八共二十四人分

左右留中道第二行監門校尉十二分左右第三行長

壽幢一押旗大將軍一居中次東五方龍旗十五次西

五方鳳旗十五第四行自內而東青龍旗五紅龍旗二

十自內而西青龍旗五紅龍旗二十第五行同上又君
王萬歲旗一五人居中日旗一五人在左月旗一五人
在右第六行自內而東天下太平旗蒼紋旗日月合璧
旗蒼紋旗青龍旗赤龍旗河瀆旗江瀆旗各一旗五人
排仗通直官一排仗大將一未午己辰卯寅旗各一青
天王旂白天王旂各一自內而西祥雲旂五星連珠旂
祥雲旂黃龍旂白龍旂黑龍旂淮瀆旗濟瀆旂各一旂
五人通直官一大將一申酉戌亥子丑旂各一緋天王

旗皂天王旗各一第七行自內而東孔雀旗一五人蒼
鳥旗兕旗羣牛旗驪駟旗赤熊旗白狼旗金鸚鵡旗馴
犀旗角端旗鷄鷄旗騶牙旗野馬旗瑞麥旗甘露旗各
一旗五人自內而西者同

外仗

在門外

左邊西向自北

排列第一部第一行侍御史大將軍折衝都尉各一主
帥三第二行絳引幡五首十五人龍頭竿四弓矢五揭
鼓二龍頭竿四儀鍠斧五龍頭竿四朱刀盾五龍頭竿
四綠刀盾五龍頭竿四小戟五第三行與第一行同第

四行與第二行同第二部第三部第四部第五部以次而南各為前後四行其名數與第一部同惟無絳引幡右五部東向排列色數皆同左第五行從北每大旗一均用小紅龍旗二間之角宿旗一三人均用二亢宿旗一三人均用二氐宿旗一三人均用二尾宿旗一三人均用二箕宿旗一三人均用二斗宿旗一三人均用二牛宿旗一三人均用二女宿旗一三人龍旗并黃排襴旗各一

虛宿旗一三人紅黃排襴旗二危宿旗一三人紅紫排
襴旗二室宿旗一三人黃紫排襴旗二壁宿旗一三人
紅黃排襴旗二重輪旗一三人紅紫排襴旗二左攝提
旗一三人黃紫排襴旗二青龍旗一三人紅黃排襴旗
二木星旗一三人紅紫排襴旗二火星旗一三人黃紫
排襴旗二土星旗一三人紅黃排襴旗二金星旗一三
人紅紫排襴旗二水星旗一三人吏兵并紫排襴旗各
一北岳旗一三人吏兵并龍君旗各一東岳旗一三人

龍君并黃熊旗各一中岳旗一三人黃熊并赤豹旗各
一西岳旗一三人赤豹并力士旗各一南岳旗一三人
力士并虎君旗各一朱雀旗一三人虎君并天馬旗各
一右第五行從北奎旗一三人婁旗一三人胃旗一三
人昂旗一三人畢旗一三人觜旗一三人參旗一三人
井旗一三人鬼旗一三人皆均用二旗如前柳宿旗一
三人紅龍并黃排欄旗各一星宿旗一三人紅黃排欄
旗二張宿旗一三人紅紫排欄旗二翼宿旗一三人紫

黃排欄旗二軫宿旗一三人紅黃排欄旗二重輪旗一
三人紅紫排欄旗二右攝提旗一三人紫黃排欄旗二
白虎旗一三人紅黃排欄旗二東方神旗一三人紅紫
排欄旗二南方神旗一三人黃紫排欄旗二中央神旗
一三人紅龍排欄旗二西方神旗一三人紅紫排欄旗
二北方神旗一三人力士并紫排欄旗各一風伯旗一
三人力士并虎君旗各一雨師旗一三人虎君并黃熊
旗二雷公旗一三人黃熊并赤豹旗二電母旗一三人

赤豹并吏兵旗二北斗旗一三人吏兵并龍君旗二玄武旗一三人龍君并天馬旗二三人執一旗者重立二人各執小旗者亦重立 殿門外仗亦從北留中道飛驎旗駃騠旗鸞旗麟旗馴象旗各二共十人從中分列為第一重鵠雞旗貌旗玉馬旗三角獸旗黃鹿旗各二共十人次外分別為第二重其次第一部都尉三員第二部至第五部俱二員為第三重又其次五部各刀盾二十為第四重又其次五部各弓矢二十為第五重左

右同

黃麾細仗攝官八十八人擎執一千三百五人編排職掌九人 內仗中道左一行自北西向排列黃麾幡一首執者三人大雉扇六中雉扇六小雉扇六朱團扇六睥睨四紅大傘一紫方傘二華蓋一凡傘扇之上皆有碧欄官一右行東向排次同 面北第一行長壽幢一居中牙門旗八共二十四人分左右第二行君王萬歲旗五人居中日旗五人監門校尉五人在左月旗五人

監門校尉五人在右第三行五方龍旗十五在左五方
鳳旗十五在右第四行紅龍旗三十四第五行紅龍旗
三十四皆分左右第六行自內而東太平莛紋合璧莛
紋赤龍青龍旗各一旗五人通直一人大將一人未午
己辰卯寅旗各一青天王旗白天王旗各一自內而西
祥雲連珠祥雲黃龍白龍黑龍旗各一旗五人通直一
人大將一人申酉戌亥子丑旗各一緋天王旗皂天王
旗各一第七行自內而東河瀆江瀆兕赤熊馴犀角端

鷄鷄網子旗各一旗五人自內而西淮瀆濟瀆兕赤熊

馴犀角端鷄鷄網子旗各一旗五人 外仗左邊西向

自北排列第一行五部侍御史大將軍折衝都尉各一

主帥各二第二行第一部絳引幡五首十五人龍頭竿

四弓矢五揭鼓二儀鎗斧五龍頭竿四弓矢五朱刀盾

五綠刀盾五龍頭竿四儀鎗斧五朱刀盾五綠刀盾五

龍頭竿四小戟五龍頭竿四小戟五第二部至五部無

絳引幡餘色並同以次相接而南右五部東向亦如之

左第三行從北角亢氐房心尾箕斗牛女虛危室壁旗
各一旗三人次重輪左攝提青龍旗各一木火土金水
星旗各一北東中南西岳旗各一旗三人次紫排襴四
黃排襴四紅排襴四吏兵旗二天馬旗一右第三行從
北奎婁胃昂畢觜參井鬼柳星張翼軫旗各一旗三人
次重輪右攝提白虎旗各一東南中西北方神旗各一
風伯雨師雷公電母北斗旗各一旗三人次紫排襴四
黃排襴四紅排襴四吏兵旗二天馬旗一

行伏天子非祀享巡幸遠出則用常行儀衛弩手二百人軍使五人控鶴二百人首領四人俱服紅地藏根牡丹錦襖金鳳花交脚幘頭塗金銀束帶控鶴或皂帽碧襖各執金鍍銀蒜瓣骨朶長行四百人拳脚幘頭紅錦四襖襖塗金束帶二人紫衫前導無執物餘執列系骨朶七十八瓜八十八鐙三十四在控鶴前金吾仗八十九金大劔六十俱垂紅絨結子儀鎗斧五十八在控鶴後其常朝御殿郊廟臨幸凡步輦出入則有近侍導從

執金鍍銀骨朵者二人左右扇十人拂子四人香盒二人香毬二人節二人幢二人盂一人唾壺一人淨巾一人鉏鑿一人水罐一人交椅一人斧一人皇帝出閣則分立閣門之外導引至殿皇帝升座則降階以俟入閣然後放仗

天眷三年熙宗幸燕始備法駕凡用士卒萬四千五十
六人攝官在外海陵遷都于燕用黃麾仗萬三百四十
八人天德二年祀廟用黃麾四千人世宗即位凡行幸

祀享並用三千人間亦不滿其數大定十一年前祀南郊朝享太廟及至郊壇用大駕七千人此其大較也

天眷法駕人數攝官六百九十九人將軍大將軍四十
三人折衝果毅一百二十六人校尉五十六人郎將三
十四人帥兵官二百四十六人統軍六人都頭六人千
牛一人旅師二人部轄指揮使二人押纛二人押衙四
人四色官四人押旗二人引駕官四人進馬四人押仗
通直二人押仗大將二人碧襴一十六人長史二人鼓

吹令二人鼓吹丞三人典事五人太史令一人太史正
一人司丞一人府牧一人刻漏生四人縣令一人御史
大夫一人僚佐一十人進輅職掌二人夾輅將軍二人
陪輅將軍二人教馬官二人四省局官八人導駕官四
十八人抱駕頭官一人執扇篋一人尚輦奉御二人殿
中少監二人供奉職官二人令史四人書令史四人押
仗二人殿中侍御史二十四人諸班直隊二千九百四
十五人鈞容直三百六人

人員六長
行三百

執旗一百三十六

人引駕六十二人

人員二長
行六十

駕頭天武官一十二人執

從物茶酒班一十一人御龍直仗劔六人天武把行門

八人殿前班擊鞭一十人御龍直四十人

人員二長
行三十八

骨

朶直一百三十四人部押二人殿前班行門三十五人

捧日馬隊七百人奉宸步隊七百人天武骨朶大劔三

百一十人

人員一十
長行三百

東第四班三十一人

人員一長
行三十

扇

簀天武二十人捧日隊從領人員一十七人簇輦茶酒

班三十一人

人員一長
行三十

鈞容直三十一人

人員一長
行三十

招

箭班三十三人

人員三十長

天武約欄三百一十人

人員一十

長行三百

車輅下駕士六百三十八人玉輅下一百四十人

控踏路馬四駕士一百二十八扶輅八

金輅下六十四人

控馬踏路四

象

輅下駕士四十人草輅木輅耕根車駕士同上草車二

共五十人指南記里車各三十人輅車鷹旗皮軒車各

十八人黃鉞豹尾車各十五人屬車八共八十人輦

輿下六百八十五人小輿一長行二十四人逍遙一共

三十五人

什將節級九長行二十六

平輦下四十二人

什將節級九人員七長行

二十 腰輿共一十九人 人員一什將虞候 大輦下三百

七十一人 掌輦人員四什將十二長 芳亭輦一長行六

十人御馬三十二共百三十四人 控馬天武官六十四

六十四人押馬六人騎御馬 扶馬騎御馬直長行 擎執人士

直人員三天武節級三人 象二十三人 共八千七百七十一人 鼓吹樂二九百九十四人

馬六千七十八匹

天德五年海陵遷都于燕用黃麾仗一萬八百二十三

人 攝官 騎三千九百六十九分八節

在內

第一節中道衆二十二

節級二人 銅鑼七 寶礮石銀鈎各一 鐵鈎二 小旗十五 並

服花脚幘頭青錦絡縫緋

第一引七十二人清道一 武

衫金鍍銀雙鹿束帶

緋雲鶴袍袴革

幘弩一

赤平巾幘緋辟邪衫革帶赤袴

誕馬二控四人

帶執黑漆杖

赤平巾幘緋繡寶相花衫

輶車一赤馬二駕士十八人

銀革帶繡轡涼屨二副

武弁緋繡雉大袖衫白袴

縣令一員

朝服坐輶車

僚佐四員

馬纓轡涼屨銅面包尾

紫方傘一

黃抹額寶相花衫銀帶大口袴

並朝服

控馬八人

錦帽絡縫紫衫大珮銀帶

朱團扇一曲蓋一

緋抹額寶相花衫革帶袴

青衣二

青平巾青衫袴革帶執青竹杖

車輻棒二

赤平巾緋白澤衫革帶赤袴

告止幡二執者六人

緋抹額寶相花

衫草帶袴傳教幡一信幡一各三人並黃抹額實相花小戟

十六服同第二引二百六十四人清道二幟弩一誕馬

四控八人服並擗鼓一金鉦一平中幟緋鸞衫大鼓六

黃雷花衫袴抹額抹帶節一幢一麾一夾稍二角四儀刀十並平中幟

緋繡實相花衫銀革帶大口袴草車一赤馬四駕士二十五人武弁大袖

勒帛馬飾如前府牧一員朝服坐車僚佐四員控馬八人服並鏡鼓

一簫二笳二笛一篳篥一並平幟緋實相花衫銀褐抹帶大橫吹一絃

紋袍袴抹額抹帶青衣四車輻棒四紫方傘一朱團扇四曲蓋

一告止幡二六人傳教幡二六人信幡二六人小戟四

十

服並如前

刀盾三十六

銀褐抹額寶相花衫銀革帶袴

弓矢二十六

錦帽青寶

相

花衫銀

稍三十六

錦帽紫寶相花袍革帶袴

朱雀旗隊三十四人

革帶袴

折衝都尉三人

平巾幘紫辟邪衫革帶大口袴錦騰蛇橫刀弓矢

爆稍二

平巾幘緋

繡寶相花

朱雀旗一五人

緋抹額寶花衫革帶大口袴橫刀引夾人加弓矢

弩

衫革帶袴

六弓矢六稍十二

並平巾緋寶相花衫橫刀革帶袴

龍旗隊七十二人

大將軍一人

朝服

引旗四人

黃抹額寶花衫革帶大口袴

旗十二風伯

旗一雨師旗一雷公旗一電母旗一北斗旗一五星旗

五左右攝提旗二執夾共六十人

皆五色實相花衫抹額革帶袴橫刀引夾

人加弓矢後凡執旗者並同

副竿二

錦帽黃實花衫革帶袴

護旗四人

加黃抹額弓矢

太僕三車八十一人指南車駕士三十人

武弁緋絕續孔雀大袖銀

褐帶

記里鼓車駕士三十人

緋旁大袖

鸞旗車駕士十八人

瑞鷹大袖

駕車赤馬十二執黑杖者三人

牙門旗隊二十

八人

分左

白澤旗二執夾各五人

綠貝冠人馬甲錦臂鞬橫刀引夾加弓矢

金吾牙門旗第一門牙門旗四執夾十二人

青實相花抹額衫革

帶大口袴橫刀監門校尉六人

長脚幘頭緋抹額獅子衲襠銀帶橫刀弓矢烏

皮靴後
隊同

前部馬隊第一隊七十人折衝果毅都尉二人

錦帽緋辟邪袍袴

角宿亢宿斗宿牛宿旗四旗各五人

革帶橫刀弓矢

並五色寶相花衫抹額

革帶橫刀引夾加弓矢

弩六弓矢十四

並錦帽青寶相

花衫革帶袴

稍二十八

餘同

第二隊七十人折衝果毅都尉二人

白澤

氏宿女宿房宿虛宿旗四旗五人弩六弓矢十四

衫

稍二十八

餘同

第三隊七十人折衝果毅都尉二人

宿危宿尾宿室宿旗四旗五人弩六弓矢十四稍二十

八

服執
如前

第二節金吾引駕騎二十人折衝都尉二人

平巾幘緋辟邪衫草

帶袴橫刀弓矢

弩六弓矢六稍六

並平巾幘緋寶相花襴襦草帶袴

前部鼓吹

五百四十七人鼓吹令二人

長脚幘頭綠公服角帶絲鞵烏皮靴

府史四

人

長脚幘頭綠寬衫角帶黃絹半臂烏靴

部轄指揮使一人

平巾幘紫寶相花衫草帶

錦騰蛇

主帥四十八人

分五項平巾幘緋寬衫草帶袴執儀刀

搥鼓金鉦各

十二

平巾幘緋寬衫銀抹額帶錦騰蛇

大鼓長鳴各百二十

黃雷花衫抹額抹帶

鏡鼓十二

緋寬衫抹額抹帶

歌二十四拱辰管二十四簫二十

四笳二十四

服如鉦鼓無騰蛇

大橫吹百二十

服如鏡鼓

馬部第四

隊六十人

分左

折衝都尉二人

緋衫

箕宿壁宿旗各一

旗五人弩六弓矢十四稍二十八

服執並如前隊

第五隊六十

人折衝都尉二人奎宿井宿旗各一旗五人弩六弓矢

十四稍二十八

服執並如前隊

第六隊六十人折衝都尉二人

緋瑞鷹袍

婁宿鬼宿旗各一旗五人弩六弓矢十四稍二十

八

服執並如前隊

第七隊六十人折衝都尉二人胃宿柳宿旗

各一旗五人弩六弓矢十四稍二十八

服執並如前隊

第八隊

六十人折衝都尉二人昴宿星宿旗各一旗五人弩六

弓矢十四稍二十八

服執並如前隊

第九隊六十人折衝都尉

二人

赤豹袍

畢宿張宿旗各一旗五人弩六弓矢十四稍

二十八

服執同前

第十隊七十人折衝都尉二人

瑞馬袍

觜宿

翼宿參宿軫宿旗各一旗五人弩六弓矢十四稍二十

八

服執如前

步甲隊第一第二兩隊百一十人領軍衛將軍

二人

平巾紫白澤袍袴帶錦騰蛇橫刀弓矢

爆稍四

平巾幘緋實相花袍大口袴

折衝

都尉四人

服如將軍

鷩雞旗二貌旗二旗各五人朱牟甲弓

矢四十朱牟甲刀盾四十

兕牟甲身披膊錦臂鞞行滕鞋鞞勒甲革帶

第三節中道前部鼓吹第二百五百二十三人

侍御在外

節鼓

二笛二十四簫二十四篳篥二十四笳二十四桃皮篳

篥二十四

黑平中幘緋對鸞衫銀褐勒帛人口袴

主帥二十六人

分四項草帶執

儀刀服如上無勒帛 搥鼓金鉦各十二

黑平中幘緋繡對鸞衫銀褐勒帛大口袴錦騰蛇

小鼓百二十中鳴百二十

黃雷花袍袴抹額抹帶

羽葆鼓十二

青

紋袍抹額抹帶

歌二十四拱辰管二十四簫二十四笳二十四

服如前色

侍御史二員

朝服

黃麾幡一三人

武弁緋寶相花衫銀褐勒帛大口袴

執者馬 紃者步

步甲第三隊五十二人折衝果毅都尉二人

紫瑞

馬袍 玉馬旗二旗五人青牟甲弓矢四十服執並同前隊第四隊

五十二人折衝果毅都尉二人瑞鷹袍三角獸旗二旗五

人青牟甲刀盾四十第五隊五十二人折衝果毅都尉

二人白澤袍黃鹿旗二旗五人黑牟甲弓矢四十第六隊

五十二人折衝果毅都尉二人服同飛鱗旗二旗五人黑

牟甲刀盾四十第七隊五十二人折衝果毅都尉二人

赤豹袍馱驥旗二旗五人銀褐牟甲弓矢四十第八隊五

十二人折衝都尉二人服同鸞旗二旗五人銀褐牟甲刀

盾四十第九隊五十二人折衝果毅都尉二人

瑞鷹麟袍

旗二旗五人黃牟甲弓矢四十第十隊五十二人馴象

旗二旗五人黃牟甲刀盾四十

服執如前

金吾牙門旗第二

門牙門旗四執夾十二人監門校尉六人

服執同第一門

左右

屯衛將軍二人

平巾幘紫飛麟袍大口袴錦騰蛇草帶橫刀弓矢

絳引幡二十

執者六十人

武弁緋繡寶相花衫銀褐勒帛大口袴

共八十人

第四節中道六軍儀仗二百五十二人統軍六人

花脚幘頭

紫繡抹額孔雀袍草帶橫刀鞠轡器仗珂馬

都頭六人

長脚幘頭紫寶相花大袖草帶橫刀

神

鼠軍旗二羽林軍旗二龍武軍旗二旗各五人

執人錦帽引矢

人金帽

排欄旗四十八吏兵旗四力士旗四赤豹旗四黃

熊旗四龍君旗四虎君旗四掩尾天馬旗六旗一人

錦帽

五色寶相花衫

白斡槍九十

交脚幘頭五色寶相花衫抹額革帶汗袴

柯舒

革帶錦臂鞢

二十四鐙杖十八

並貼金帽五色寶相花衫革帶

引駕龍墀隊六十五

人排仗通直二人排仗大將二人

並長脚幘頭紫公服紅鞵帶絲鞭烏皮靴

天王旗四十二辰旗各一旗一人

並錦帽五色寶相花衫革帶臂鞢

天

下太平旗一五方龍旗五旗五人

執人錦帽引矢人貼金帽服並如上橫刀

弓矢 君王萬歲旗一 日月旗各一旗五人 執人錦帽引矢人貼金帽服執

已見 前例 御馬六十六人馬十六匹 四人 控馬三十二人貼金幘紫寶相

花衫草帶夾馬三十二人 廣武節級一人 錦帽執黑杖 阜帽青錦襖塗金銅束帶 服同御馬

管押騎御馬直人員一人 阜帽紅錦襖 中道隊三十二

人大將軍一人 朝服 日月合璧旗一 苙紋旗二 五星連

珠旗一 祥雲旗二 旗各五人 服執見 長壽幢一 平巾幘

花衫草帶大口袴 金吾細仗一百人 青龍旗一 白虎旗一 五嶽

神旗五 五方神旗五 旗各四人 並四色寶相花衫青黃銀褐阜抹額帶橫刀引

夾如押旗二人

長脚幘頭紫公服紅鞞角帶烏皮靴

五方龍旗各三五方

鳳旗各三旗一人

並五色衫抹額草帶橫刀

四瀆旗四旗五人

並卑寶相

花衫抹額草帶橫刀引夾如前

黃麾前第一部二百七十二人殿中侍

御史二人

朝服

左右屯衛大將軍二人折衝都尉二人

平巾

幘紫飛麟袍草帶大口袴錦騰蛇橫刀弓矢

主帥二十人

平巾幘緋寶相花衫草帶袴儀刀

龍頭竿一百揭鼓六儀鎗斧二十小戟二十弓矢四十

朱滕絡刀盾二十稍二十錄滕絡刀盾二十

並青寶相花衫抹額

抹帶行滕鞋襪

第二部二百七十二人殿中侍御史二人左右

領軍衛大將軍二人折衝都尉二人

紫綳白澤袍

主帥二十

人龍頭竿一百揭鼓六儀鎗斧二十小戟二十弓矢四

十朱滕絡刀盾二十稍二十綠滕絡刀盾二十

服並第

三部二百七十二人殿中侍御史二人左右屯衛大將

軍二人折衝都尉二人

紫瑞鷹袍

主帥二十人龍頭竿一百

揭鼓六儀鎗斧二十小戟二十弓矢四十朱滕絡刀盾

二十稍二十綠滕絡刀盾二十

服並黃餘同上部

第五節中道八寶三百人輦士九十六人

平巾幘緋寶相花衫大口

袴塗金燭籠三十二大珮銀腰帶行馬十六服同碧襴

官十六人弓脚幘頭碧襴衫金銅束符寶郎八人長脚

綠公服角帶槐簡步導帶烏皮鞢後四人執長刀援寶三十二人武弁紫寶相花人員二人衫草帶執黑漆

杖緋寶相花衫長行三十人執黑漆杖香案八舉士三十二人服同

燭籠案後金吾仗六方傘二大雅扇四服並同金吾仗

十二人長脚幘頭綠公服大口袴金銅腰色官四人帶前二人執槐簡後二人執金銅

儀押仗二人長脚幘頭紫公服金甲二人披膊兜牟錢

甲進馬四人平中紫犀牛兩襜金吾引駕四十九人條

牛將軍一人千牛十人即將二人

並緋繡抹額紫犀牛
衲襠革帶大口袴橫

刀弓矢珂馬將軍平巾幘無抹

長史二人

長脚幘頭綠
公服金銅腰

額千牛即將花脚幘頭餘同

帶袴烏

引駕官四人

長脚幘頭紫公服
紅鞋帶烏皮鞢

中雉扇十二人

傘二小雉扇四華蓋二香燈一座八人火燎一二人

武弁

緋寶相花大袖

腰輿人員什將三人

皂帽紅錦襖塗金
銀束帶人員執杖

革帶大口袴

長行十六人

孝脚幘頭紅錦四
襖襖塗金銀腰帶

排列官二人

長脚幘頭
紫公服紅

鞋帶烏

小輿二十四人

白成銀束帶
服同長行人

逍遙輦人員什將

皮鞢

共十六人

皂帽塗金銀束帶紅錦方
勝線鵲人員執黑漆杖

長行二十六人

紅地

白獅錦襖塗金銀帶冠同

平輦人員什將十六人

皁帽紅錦團襖塗金銀帶

輿輦

共一百三人

諸班開道旗隊一百七十七人開道旗

一鐵甲兜牟紅背子劔緋馬甲

皁纛旗十二旗一人

黑漆鐵笠皁皮人馬甲

引

駕六十二人

皁帽紅錦團襖紅背子鐵人馬甲箭兵械骨朵

輔龍直一百二人

皁帽紅背子骨朵鐵人馬甲

黃麾前第四部二百七十二人殿中侍

御史二人左右武衛大將軍二人折衝都尉二人主帥

二十人龍頭竿一百揭鼓六儀鎧斧二十小戟二十弓

矢四十朱滕絡刀盾二十稍二十綠滕絡刀盾二十

黃寶

相花衫餘並
如前第一部

第五部二百七十二人

除左右驍衛大將軍與都尉服赤豹

袍龍竿以下服銀褐花衫
餘名色並如前第二部

第六部二百七十二人

除將軍都

尉服瑞馬袍龍竿以下服傘
花衫餘名色並如前第三部

第六節中道門旗隊一百二十三人騎執門旗四十五

方色龍旗十步執紅龍門旗六十麋旗一簇輦紅龍旗

八日月旗二麟旗一鳳旗一旗皆一人

並鐵甲兜牟紅錦襖紅背子馬

執者惟紅背子步
執門旗仍帶劍

金輅

皇太后乘之公主侍坐故在玉輅之前

駕士九十

四人

赤平巾幘緋繡對鳳大袖緋抹額赤袴鞋襪

擊鞭內侍十人

皂帽紅錦襖塗金銀

東駕頭下御床也抱駕頭內侍一人長脚幞頭紫羅公服塗金銀束帶控

馬二人錦帽錦絡縫寬衫大珮銀腰帶廣武官十二人錦帽白成銀束帶襖茶酒

班執從物十一人水罐二香毬二唾盂一廝羅一手巾

一御椅三人踏床一阜帽碧錦團襖紅錦背子塗金銀束帶共百三十人

拱聖直人員二人長行三十八人真珠頭巾紅錦四襖襖塗金銀束帶

導駕官四十二人朝服從人八十四錦帽紫絡縫寬衫大珮銀腰帶仗劍

六人阜帽紅錦團襖紅錦背子鐵甲弓矢器械廣武把行門八人殿班把行

門三十五人服並如仗劍玉輅帝后同乘太子陪坐駕士百二十八人

服如金輅
惟用青色

千牛將軍一人

具裝執長刀於輅右

左右點檢二人

披金

甲

夾輅大將軍二人陪輅將軍二人

並朝服

進輅職掌二

人

長脚幘頭紫寬衫塗金銀腰帶

教馬官二人

長脚幘頭緋抹額紫寬衫塗金銀腰帶

部押二人

阜袍鐵甲紅錦襖執骨朶

扶輅八人控踏路馬四人

馬二匹銅

面包尼涼屣人服如駕士

共一百五十三人

龍翔馬隊二十隊六

百二十人分左右每隊人員三人

阜帽鐵甲紅錦襖紅背子弓矢劍骨朶甲

馬

殿侍二十八人

鐵甲紅錦背子弓矢器械甲馬

東第五班金槍六隊

每隊旗三人槍二十五人

內二十人佩弓矢

共一百六十八人

並裹鐵兜

年金槍

銀槍六隊每隊旗三人槍二十五人

內二十人佩弓

矢

共一百六十八人

並裹鐵笠銀槍

東第四班二隊每隊旗三

人弩二十五人共五十六人

鐵笠兜年

神勇步隊七百人分

左右作四重每重人員十

阜帽紅錦圓襖弓矢器械骨朵

長行六百六

十人

並鐵兜年甲

內拱聖骨朵直一百六十四人拱聖槍直

一百六十四人

內執子旗者二人餘執槍

拱聖弓箭直一百六十六

人

弓矢器械執骨朵

拱聖弩直一百六十六人

扶弩鞬轡

廣武骨朵

大劍三百一十人指揮使五人

紅錦襖紅背子

都頭五人

紅襖紅背

子并阜帽塗金腰帶骨朵

長行三百人

內一百人簇四金鵬錦帽紫孔雀寬襖白成銀束帶骨朵

二百人金鍍銀花朱紅笠緋對鳳寬襖銀帶執銀花大劍

導駕官四十二員從者八

十四人

服已見前

青龍白虎隊五十二人果毅都尉二人青

龍旗一白虎旗一旗五人弩六人弓矢十四稍二十

服已

見前

第七節中道駕后輔龍直等二十一人拍板一簞篋十

五笛十四人員一人

長行三十人樂器自備並阜帽紅錦襖塗金束帶並馬人員執骨朵

扇篋二十五人執篋官一人控馬二人

服並如前例

紅龍扇

二長脚幘頭紫公服塗金銀束帶廣武二十人錦帽繡寬襖白成銀束帶紫對鳳十領緋對鳳

十領七寶輦輦士四十二人什將人員十六人早帽紅錦圓襖長

行二十六人盤裏幘頭紅錦四持鉞隊五十人旅帥二

人服如都尉重輪旗二旗五人服同前例紅羅大傘二大雉扇八

小雉扇八紅羅繡華蓋一武弁緋實相花衫朱團扇八

黃寶相花衫真武幢一早實相睥睨八緋實相麾一幢一紫寶

相花衫銀後部鼓吹三百三十七人鼓吹丞二人典士

四人部轄指揮使一人主帥十八人金鉦柁鼓各三羽

葆鼓十二歌二十四拱辰管二十四簫二十四笳二十四
四節鼓二鏡鼓十二歌十六簫二十四笳二十四小橫
吹一百二十

青莖紋袍抹額抹帶餘並與前同

金吾牙門第三門牙門

旗四旗三人監門校尉六人

服執同第一門

黃麾後第一部二

百七十二人第二部二百七十二人第三部二百七十

二人殿中侍御衛大將軍折衝都尉龍頭竿以下名色

並如前三部

第八節中道後部鼓吹第二百二十人笛二十四簫二

十四簞簞二十四笏二十四桃皮簞簞二十四

服並如前屬

車八牛二十四駕士八十人

武弁緋繡雲鶴大袖銀褐抹帶大口袴

黃鉞

車赤馬二駕士十五人

武弁緋對鷩大袖銀褐抹帶大口袴

豹尾車赤馬

二駕士十五人

武弁緋立豹大袖銀褐抹帶大口袴

玄武隊六十一人金

吾折衝都尉一人

平巾幘紫辟邪袍革帶袴騰蛇橫刀弓矢

爆稍二

平巾幘緋寶相

花衫革大帶

仙童旗一玄武旗一騰蛇旗一神龜旗一旗五

人

服執如前例

稍十九弓矢十五弩四

平巾幘緋寶相花衫革帶袴

黃麾

後第四部二百七十二人第五部二百七十二人第六

部二百七十二人攝官名數服色並如前第四第五第

六部絳引幡二十執者六十人

並武弁緋繡實相花衫銀褐抹帶大口袴諸

從駕官並於仗後陪從朝服不足者公服

凡應乘馬者並同宋制

金史卷四十一



總校官舉人臣章維桓

校對官學錄臣常循

膳錄監生臣張彭齡